

27. Kuv tus uas yog niamtxiv tsimnyog yuav tau ua dabtsi?

Koj tus uas yog niam yog txiv lub luag haujlwm uas yog niam yog txiv tseem nyob li qub thaum uas koj tus menuam raug ntes. Tej zaum koj yuav tau mus nrog ib tus kws lijchoj tham mus nrhiav kev pab.

Yog koj tus menuam raug coj mus nyob hauv ib lub tsev uas coob tus mus nyob uake, lossis raug coj mus kaw hauv ib lub vaj kawm menuam lossis coj mus kaw rau hauv Division of Juvenile Justice, nrhiav kev mus cuag koj tus menuam thiab txhawb tej yam zoo uas nws ua nyob rau hauv. Nrhiav kev totaub txog tej uas tabtom tshwmsim rau koj tus menuam lub neej xxw koj thiab li paub npaj rau thaum nws yuav rovqab los tsev. Nrhiav cov kev los tivthaiv thiab pab txhawb koj tus menuam cov kev rovqab los kawm ntawv thiab ua haujlwm. Nrhiav kev los tshuaj xyuas tej uas koj tus menuam ua thiab kom nws lees paub txog tej uas nws ua.

Nug koj tus menuam tus tub ceevxwm saib cov tibneeg ua txhaum kom pab muab cov koomhaum uas yuav pab tau koj rau koj, xwsli tej pab niamtxiv lossi kev pab qhuab ntucas. Tej zaum koj lub school district thiab lub tsev khomob lossis khomob teebmeem kev xav yuav muaj cov kev pab tau.

Nroog

**TSEV HAIS PLAUB MENYUAM YAU
COV KEV QHI RAU COV NIAMTXIV**

Cov homphiaj ntawm lub tsev hais plaub rau menuam yaus yog: los tivthaiv, los muab kev qhia, thiab rau txim rau cov menuam yaus uas tau ua txaug ua txhaum, thiab los pab tivthaiv tej tibneeg zejzos.

Yog koj tus menuam raug coj mus hais plaub hauv lub tsev hais plaub menuam yaus vim nws tau ua txhaum, lub tsev hais plaub yuav hais kom koj thiab koj tus menuam ua qee yam xxw koj tus menuam thiab tej tibneeg zejzos thiab li yuav muaj kev tivthaiv.

Thaum raug coj mus hais plaub hauv lub tsev hais plaub:

1. Tej zaum koj tus menuam yuav raug tsocai rau los nyob hauv koj lub tsev nrog rau kev saib xyuas los ntawm lub tsev hais plaub; lossis
2. Tej zaum koj tus menuam yuav raug coj mus nyob lwm lub tsev sab nraud uas tsis raug xauv lossis yuav raug xauv, nyob ntawm koj tus menuam lub hnuh nyoop, qhov nws ua saib txhaum loj npaum licas, thiab koj tus menuam li keebkwm kev ua txhaum yav tas los.

Tsab ntawv foob thiab lwm cov ntaub ntawv uas koj tau txais yuav qhia hais tias koj tus menuam tau raug liam hais tias nws tau ua txhaum dabtsi. Tsab ntawv foob tsis yog ib yam puavpheej uas qhia tau hais tias koj tus menuam tau ua txhaum, tabsis nws yog ib yam tseemceeb uas qhia rau koj hais tias koj tus menuam raug liam tias nws tau ua txhaum dabtsi. Koj muaj cai tau txais ib copy ntawm tsab ntawv foob.

THOV UA TIB ZOO NYEEM TSAB NTAWV FOOB.

1. **Kuv tus menuam raug tso rovqab los tsev tomqab uas nws raug ntes. Nws yuav muaj dabtsi ntxiv?**

Koj lub nroog phab saib cov tibneeg ua txhaum hu tuaj rau koj thiab hais kom koj tus menuam mus ntsib nrog ib tus tibneeg saib cov tibneeg ua txhaum.

Koj yuav tau txais ib Tsab Ntawv Sau Tuaj Hais Kom Mus Ntsib Lawv (uas teem ib hnub thiab ib lub sijhawm uas koj yuavtsum tau mus ntsib phab saib cov tibneeg ua txhaum).

Yog nws tau ua tej yam uas txhaum loj, koj yuav tau txais ib Tsab Ntawv Sau Tuaj Hais Kom Mus Ntsib Lawv hauv lub tsev hais plaub rau menuyam yaus.

2. Kuv tus menuyam raug ntes thiab luag coj mus kaw lawm. Tus tub ceevxwm uas ntes nws yuav muaj cuabkav ua tau dabtsi?

Tej zaum tus tub ceevxwm yuav ua ib yam ntawm tsib yam:

- a. Cia koj tus menuyam rovqab los tsev lossis coj nws rovqab los rau qhov chaw uas nws raug ntes, thiab teev txhua yam tseg.
- b. Qhia kom koj tus menuyam mus rau ib lub koomhaum hauv zejzos uas pab vajtsev nyob, pab kho, muaj kev pabcuam, lossis qhuav ntus.
- c. Hauv qee lub nroog, luag yuav hais kom koj tus menuyam mus ntsib luag hauv lub tsev tub ceevxwm thiab tsis txhob mus rau hauv phab saib xyuas cov tibneeg ua txhaum (qee zaum luag hu qhov no hu ua "sau ntawv kom rov mus ntsib").
- d. Sau ib Tsab Ntawv Tuaj Hais Kom koj thiab koj tus menuyam Mus Ntsib Lawv, thiab qhia tias koj thiab koj tus menuyam yuavtsum tau ua dabtsi thiab yuavtsum tau ua thaum twg.
- e. Tsis ntev tomqab uas koj tus menuyam raug ntes, coj nws mus kaw hauv lub tsev kawm menuyam yaus (qhov no hu ua "coj mus kaw"). Yog koj tus menuyam raug coj mus kaw lossis tus tub ceevxwm tsis tso nws los, koj tus menuyam muaj cai hu ob tsab xovtooj tsis pub dhau ib teev tomqab uas nws raug ntes. Ib tsab xovtooj yuavtsum yog tsab uas hu tau rau ib tus niamtxiv, tus saib xyuas, ib tus kwvtij uas nrog saib, lossis tus tsww haujlwm. Tsab thib ob yuavtsum yog tsab uas hu tau rau ib tus kws lijchoj. Yog tis tus tub ceevxwm yuav nug koj tus menuyam txog tej uas tau tshwmsim, tus tub ceevxwm yuavtsum tau qhia rau nws tias nws muaj cia tsis txhob teb cov lus nug ntawd, thiab yog nws teb, cov lus uas nws teb yuav siv tau los liam nws, thiab nws muaj cai yuav ib tus kws lijchoj los sawvcev hais rau nws, thiab yog tias nws ntiau tsis taus ib tus kws lijchoj lub tsev hais plaub yuav nrhiav ib tus rau nws. Cov no yog hu ua cov cai *Miranda*. Yog tus tub ceevxwm yuav tsis nug koj tus menuyam, tej zaum tus tub ceevxwm yuav tsis piav qhia tej cai no rau nws.

24. Kuv puas yuav tau them kuv tus menuyam cov nqi hais plaub?

Tau. Tshwj tias yog yog tus uas raug koj tus menuyam ua phem rau, koj yuav tau txais ib daim nqi tuaj hauv lub nroog tuaj txog koj tus menuyam cov nqi ntiau kws lijchoj. Koj yuav raug them rau cov nqi ceev thiab kaw koj tus menuyam (xwsli nqi zaubmov thiab nqi ntxhua khaub-ncaws thaum koj tus menuyam raug kaw hauv lub tsev kaw menuyam yaus), thiab cov nqi uas coj koj tus menuyam mus kaw rau ib qhov chaw xwsli Division of Juvenile Justice, ib lub vaj kaw menuyam yaus, lossis hauv ib lub tsev qhov twg. Tej zaum tus nqi no yuav kim. Koj yuav muaj sijhawm los qhia tau tias koj tsuas muaj peevxwm them tau cov nqi no npaum licas xwb. Lub Tsev Hais Plaub Rau Cov Hluas yuav tsis yog lub los xam txog tej no.

25. Kuv tus menuyam cov ntaub ntawv raug txim no muab kaw tseg puas tau?

Qhov no yuav tseemceeb heev li rau koj tus menuyam, tabsis yuav ciali ua tsis tau li ntawd, thiab tsis yog txhua yam ntaub ntawv yuav muab kaw tseg tau, nrog rau cov kev txhaum hauv Department of Motor Vehicles. Koj tus menuyam yuavtsum tau sau ntawv mus thov kom luag muab tej ntaub ntawv no pov tseg lossis kaw cia.

Koj tus menuyam sau ntawv mus thov tau luag tomqab uas nws muaj 18 xyoo. Koj tus menuyam tseem sau tau ntawv mus thov kom luag muab tej ntaub ntawv no pov tseg lossis kaw cia li 5 lub xyoos (qee zaj yog 6 xyoo) tomqab txhua yam uas hais txog nws zaj tau zaus tas lawm. Phab saib cov tibneeg ua txhaum yuav xyuas saib koj tus menuyam puas rovqab mus ua txhaum kevcai ntixiv lawm. Yog lub tsev hais plaub pom zoo ua raws li koj tsab ntawv sau mus thov, txhua yam ntaub ntawv uas hais txog koj zaj thiab qhov uas koj raug ntes yuav muab kaw tseg tibs.

Thov koj tus menuyam tus kws lijchoj lossis tus tub ceevxwm saib cov tibneeg ua txhaum kom pab koj ua.

26. Luag puas siv tau kuv tus menuyam cov ntaub ntawv raug plaub thaum yau no los tawmtsam nws thaum nws muaj hnub nyoog?

Raws li txoj kevcai uas hais tias koj ua txhaum peb zaug ces tas li, muaj qee yam kev ua phem uas loj thiab tsis zoo ua tau ua thaum uas tseem yog menuyam yaus muaj cuabkav siv tau los tawmtsam koj tus menuyam rau yav tomntej. Luag ua tau li no txawm tias koj tus menuyam cov ntaub ntawv raug muab kaw cia lawm losxij.

Koj mus xyuas tau koj tus menuam thaum lub sijhawm uas luag qhib rau tibneeg mus xyuas, uas yog hnub Saturdays lossis Sundays li 2 rau 3 teev ib zaug, nyob ntawm lub tsev sojntsuam ntawd txoj kevcai. Lub chaw sojntsuam Ventura rau cov menuam ntxhais cia koj mus xyuas laww tau txog li 6½ teev toj ib zaug. Koj hu tsis tau xovtooj mus rau koj tus menuam hauv lub chaw sojntsuam, tabsis koj sau tau ntawv mus rau nws. Koj tus menuam hu tau collect calls los rau koj ntawm ib lub xovtooj them nyiaj hu.

22. Thaum twg kuv tus menuam thiaj mus rau hauv Division of Adult Operations thiab tsis mus rau hauv Division of Juvenile Justice (DJJ)?

Koj tus menuam muaj cuabkav yuav raug txiavtxim rau coj mus kaw hauv lub tsev lojcuj kaw cov laus (California Department of Corrections and Rehabilitation, Division of Adult Operations) yog tias nws raug coj mus hais li ib tus tibneeg laus (xyuas lolus nug 19 thiab 20). Yog tias koj tus menuam yuav raug cov mus hais li ib tus tibneeg laus, nws tseemceeb heev li uas koj yuav tau nrog koj tus menuam tus kws lijchoj tham txog txhua yam uas tej zaum koj tus menuam yuav raug vim qhov kev txhaum uas luag tau liam nws ntawd.

Thaum muaj hnub nyoog 14 rau 16 xyoos, koj tus menuam yuavtsum mus nyob hauv DJJ txawm tias nws raug txiavtxim rau kom coj mus kaw hauv lub tsev lojcuj kaw cov laus lawm losxij.

Yog tias koj tus menuam muaj hnub nyoog yam qis 16 xyoo lawm thiab raug coj mus hais hauv lub tsev hais plaub rau cov laus, tus thawj txiavtxim muaj cuabkav xaj kom coj koj tus menuam mus kaw hauv lub tsev lojcuj kaw cov laus es tsis yog coj mus kaw hauv DJJ.

Yog tias koj tus menuam muaj hnub nyoog yam qis 16 xyoo, nws mus nyob nws lub txim tagnrho tau hauv DJJ yog tias nws lub txim yuav tas uantej nws muaj 21 xyoos. Yog koj tus menuam lub yuav tau mus nyob txim dhau thaum nws muaj 21 xyoos, ces koj tus menuam mus nyob txim hauv DJJ tau txog thaum nws muaj 18 xyoo, ces tomqab ntawd yuav raug xa mus nyob txim hauv Division of Adult Operations thaum nws muaj 18 xyoo. Lub tsev hais plaub tseem muaj cuabkav txiavtxim rau koj tus menuam cia li mus nyob txim hauv Division of Adult Operations thaum nws muaj 16 xyoo.

23. Kuv puas yuav tau them rau tej uas kuv tus menuam tau mus ua ntawd?

Tau. Tej zaum koj tseem yuav tau them tej yam uas raug liamsim rov rau tus tibneeg uas raug ua phem rau yog tias lub tsev hais plaub hais tias koj tus menuam yuav tau them tej ntawd rov rau lawv. Cov nyiaj uas yuav tau them rov rau lawv no yog cov nqi uas them mus rau cov kev liamsim uas koj tus menuam tau ua rau lawv. Xwsli cov nyiaj yog them rau tus nqi ntawd tej yam uas nws tau nyiag lossis tau ua rau tej khoom liamsim, nqi mus khomob, thiab cov nyiaj xuabmoos uas nws tau tu.

Yog koj tus menuam raug coj mus kaw rau ib qhov chaw, tus tub ceevxwm yuavtsum tau qhia tuaj rau koj paub hais tias koj tus menuam raug coj mus kaw lawm thiab nws raug coj mus kaw qhov twg. Thaum nws qhia tuaj rau koj, tus tub ceevxwm tseem yuavtsum tau qhia rau koj txog cov cai *Miranda* uas koj tus menuam muaj.

3. Yog peb tau txais ib Tsab Ntawv Sau Tuaj Kom Mus Ntsib Lawv, yuav muaj dabtsi hauv lub rooj uas mus ntsib tus tub ceevxwm saib xyuas cov tibneeg ua txhaum? Kuv tsimnyog yuav ua dabtsi?

Yog koj tus menuam tseem tsis tau muaj ib tus kws lijchoj, tej zaum koj yuav tau nrog cov kws lijchoj uas pab pejxeem tham lossis ib tus kws lijchoj tham thiab mus muab tswvym.

Tej zaum yuav muaj ib yam ntawm peb yam no hauv lub roo sib ntsib:

- a. Tej zaum tus tub ceevxwm saib xyuas cov tibneeg ua txhaum cia li qhuab ntuas koj tus menuam thiab tso koj tus menuam rov los tsev yam tsis coj nws mus hais hauv lub tsev hais plaub rau menuam yaus li.
- b. Tej zaum tus tub ceevxwm saib xyuas cov tibneeg ua txhaum yuav hais kom koj tus menuam mus ua ib yam dabtsi thiab tsis coj nws mus hais hauv lub tsev hais plaub. Tej lub nroog sib txaww thiab cov kev uas yuav tau ua los sib txaww thiab, tabsis feem ntau yog koj tus menuam ua tiav raws li qhov uas hais ntawd (xws li, mus kawm ib cov hoob lossis mus rau luag qhuab ntug vim nws haus yeeb-tshuaj, mus ua haujwm pub dawb rau tej zejzos, mus txhuam tej uas luag sau tsis zoo rau tom tej kev, lossis mus rau cov hluas hais lossis rau tej phoojywng hais yus), yam tsis tau uas hais hauv lub tsev hais plaub rau cov menuam yaus. Yog tias koj thiab koj tus menuam pom zoo ua raws li tej uas nws hais no, tej zaum phab siab xyuas cov tibneeg ua txhaum yuav hais kom koj suam npe rau ib daim ntawv sib coglus uas hais tias koj thiab koj tus menuam yaus yuavtsum tau ua dabtsi. Qee zaum tej yam ntawd yuav yog ntev li rau lub hlis.
- c. Tus tub ceevxwm saib xyuas cov tibneeg ua txhaum xa tau koj mus menuam cov ntaub ntawv mus rau tus thawj kws lijchoj hauv nej lub cheebtsam, uas yuav yog tus txiavtxim saib puas yuav foob koj tus menuam mus ntxiv.

4. Kuv puas yuavtsum tau nrhiav ib tus kws lijchoj rau kuv?

Feem ntau, tsis tau. Yog tias koj tus menuam muaj ib tus kws lijchoj, tus kws lijchoj ntawd sawvcev koj tus menuam tabsis tsis sawvcev koj.

5. Kuv tus menuam puas yuavtsum tau nrhiav ib tus kws lijchoj?

Yuavtsum tau nrhiav, thiab koj tus menuam muaj cai nrhiav ib tus kws lijchoj uas hais tau zoob thiab npaj tau txhij.

Yog koj ntiaj tsis taus ib tus kws lijchoj rau koj tus menuam, lub tsev hais plaub yuav nrhiav ib tus kws lijchoj los sawvcev koj tus menuam.

6. **Kuv tus menuam tus tub ceevxwm uas saib cov tibneeg ua txhaum hais rau kuv tias tus thawj kws lijchoj hauv cheebtsam yuav ua ntawv foob kuv tus menuam. Qhov ntawd txhais licas?**

Ib tsab ntawv foob yog ua los hais kom lub tsev hais plaub los pab nrog hais thiab tshuaj koj tus menuam lub neej. Tsab ntawv foob yuav hais tias lub xeev ntseeg hais tias koj tus menuam tau ua li uas hais ntawd lawm. Tomqab ib tus kws txiavtxim mam li los txiavtxim saib nws puas muaj tseeb li tsab ntawv ntawd hais.

Nws muaj ob hom ntawv foob. Luag hu raws li tus lej ntawm phaj kevcai hauv Kalifonias:

- a. **Ntawv foob 601.** Ib tsab ntawv foob 601 yog tsab uas ua los ntawm phab saib cov tibneeg ua txhaum thiab hais tias ib tus menuam tau khiev tawm hauv tsev mus, qhaj tsis mus kawm ntawv, nyob lig tshaj li uas luag kom tseg, lossis pheej tsis mloog niamtxiv lus. Yog lub tsev hais plaub pom hais tias qhov uas luag tau foob tuaj ntawd muaj tseeb, tus hluas ntawd yuav dhau los ua ib tus uas "raug lub tsev hais plaub saib xyuas" thiab yuav raug suav tias yog "tus tau ua txhaum."
- b. **Ntawv foob 602.** Ib tsab ntawv foob 602 yog ib tsab ntawv foob uas tus thajw kws lijchoj hauv cheebtsam cov tibneeg ua cov foob tuaj thiab nws hais tias ib tus menuam tau ua tej Yam uas suav tias txhaum kevcai yog tias ib tus tibneeg laus tau ua li ntawd. Yog lub tsev hais plaub pom hais tias yeej muaj tseeb raws li tsab ntawv foob ntawd hais tuj, ces tus menuam ntawd dhau los ua ib tus uas "raug lub tsev hais plaub saib xyuas" tias yog ib tus tibneeg txhaum.

Phaj 602 yog hais txog txhua yam kev ua txhaum kevcai thaum ib tus tibneeg laus tau ua li ntawd. Qhov no suav tej Yam txhaum kevcai loj (felonies) xwsli nyiag tsheb, tsoo tsev mus nyiag khoom, muag tej Yam khoom txhaum kevcai (yeeb-tshuaj), txhom tibneeg ua, thiab tua tibneeg, thiab tej Yam kev txhaum kevcai me xwsli ntaws tibneeg thiab tsav tsheb quag caww.

Lub txim rau txoj kev ua txhaum mas nyob ntawm txoj kev ua txhaum ntawd saib loj lossis me xwb.

7. Yuav muaj dabtsi tshwmsim yog tias kuv tus menuam raug coj mus kaw hauv lub tsev kaw menuam yaus tomqab uas nws raug ntes?

Nws nyob ntawm tus tub ceevxwm uas saib cov tibneeg ua txhaum saib puas tsimnyog muab koj tus menuam coj mus kaw. Tej zaum tus tub ceevxwm saib cov tibneeg ua txhaum ciall tso koj tus menuam rovgab los tsev yam tsis hais kom tus thawj kws lijchoj hauv cheebtsam ua ib tsab ntawv mus foob nws li. Tej zaum tus tub ceevxwm saib cov tibneeg ua txhaum yuav tso koj tus menuam rovgab los tsev thiab xa nws zaj mus rau tus thawj kws lijchoj hauv cheebtsam saib nws puas yuav txiavtxim siab ua ib tsab ntawv mus foob koj tus menuam los tsis foob. Tej zaum koj tus menuam yuav raug txwv kom tsis pub ua qee Yam thaum nws raug tso los tsev.

18. **Tus tibneeg uas raug ua phem rau puas tuaj koom tau thiab nws hais puas tau lus hauv kev sib hais saib yuav ua licas?**

Tuaj tau thiab hais tau. Ib tus tibneeg uas raug luag ua phem rau cov cai tsocai rau nws tuaj koom tau lub rojj sib hais. Tus tibneeg uas raug luag ua phem rau, thiab nws niam nws txivyog tias nws tseem yog ib tus menuam yau, yuav tau txais ib tsab ntawv sau tuaj qhia txog cov kev yuav tuaj sib hais.

19. **Thaum twg kuv tus menuam thiaj li yuav raug coj mus hais plaub li ib tus tibneeg laus?**

Rau qee Yam kev ua txhaum kevcai loj, koj tus menuam yuav raug coj mus hais thiab rau txim rau li ib tus tibneeg laus yog tias koj tus menuam muaj hnub nyooq Yam qis 14 xyos. Lawv yuav coj nws zaj plaub mus hais hauv lub tsev hais plaub rau cov tibneeg laus. Nws muaj kev sib txawy ntawu hauv lub tsev hais plaub rau cov menuam yaus thaib lub tsev hais plaub rau cov tibneeg laus. Yog tias tus thawj kws lijchoj thov kom coj koj tus menuam mus sib hais hauv lub tsev hais plaub rau cov tibneeg laus, nws tseemceeb heev li uas koj yuav tau nrog koj tus menuam tus kws lijchoj tham txog txhua yam uas tej zaum koj tus menuam yuav raug vim qhov kev txhaum uas luag tau liam nws ntawd.

20. **Cov kev txhaum loj twg yog cov uas feem ntau luag coj mus sib hais hauv lub tsev hais plaub rau cov tibneeg laus?**

Luag muaj cuabkav coj ib tus menuam yaus mus hais plaub hauv lub tsev hais plaub rau cov laus txog ntau Yam kev ua txhaum kevcai. Cov no yog cov kev ua txhaum kevcai uas phem thiab loj, uas suav cov kev tua tibneeg thiab sim tua tibneeg, hlawy tej lub tsev uas muajtibneeg nyob, siv riam phom mus ua tubsab koo luag, qee Yam kev txhom lwm tus txiag, qee Yam kev nyiag ntes tibneeg thiab khuj tseeb tsheb, qee Yam kev txhaum kevcai loj uas siv phom, kev muag qee Yam yeeb-tshuaj uas txhaum kevcai, thiab qee Yam kev khiav tawm hauv tsev kaw cov menuam yaus uas tau siv dagzog ntaus tibneeg.

21. **Kuv tus menuam yuav mus rau qhov twg yog tias nws raug xa mus rau hauv Division of Juvenile Justice (DJJ)?**

Koj tus menuam yuav xub raug mus rau hauv ib lub chaw sojntsuam li 30 rau 90 hnub. Tomqab ntawd, koj tus menuam yuav raug muab xa mus rau ib lub ntawm cuaj lub tsev kaw menuam yaus lossis ib lub ntawm plaub lub vaj kaw menuam yaus. Cov no yog peb lub chaw sojntsuam uas cov tibneeg ua haujlwm yuav los sojntsuam txog koj tus menuam cov kev kawm thiab cov kev txhimko nws tuskheej:

- The Northern Youth Correctional Reception Center and Clinic, Preston Youth Correctional Facility and Reception Center and Clinic hauv lone (Lub Chaw Kaw thiab Kuaj Cov Hluas Phab Qaumteb Lub Chaw Kaw thiab Txais thiab Kuaj Cov Hluas hauv lone (209-274-8000)
- The Southern Youth Correction Reception Center and Clinic (Lub Chaw Sojntsuam thiab Kuaj Cov Hluas Phab Qabteb) uas nyob hauv Norwalk (562-868-9979)
- The Ventura Youth Correctional Facility (Lub Chaw Sojntsuam Cov Hluas hauv Ventura) (rau cov menuam ntxhais) (805-485-7951)

- c. Tej zaum koj tus menuam yuav raug luag siab xyuas thiab raug xaj kom mus nrog ib tus kwvtij nyob, mus nyob hauv ib qhov chaw uas tsim los rau ib pab tibneeg nyob uake, lossis ib lub tsev kaw hauv zejzos.
- d. Tej zaum koj tus menuam yuav raug saib xyuas thiab rau xa mus rau ib lub chaw lossis tahj tsam uas muaj neeg nrog saib xyuas.
- e. Tej zaum koj tus menuam yuav raug xa mus kaw hauv lub California Department of Corrections and Rehabilitation, Division of Juvenile Justice (DJJ). (Tabsis yog koj tus menuam yuav coj mus hais li ib tus tibneeg laus, lub tsev hais plaub rau cov laus muaj cuabkav txiavtxim muab koj tus menuam coj mus kaw hauv lub California Department of Corrections and Rehabilitation, Division of Adult Operations (xyuas lolus nug 19 thiab 20).
- f. Koj tus uas yog niamtxiv, tej zaum yuav raug xaj koj ua raws li qee yam xwsli mus rau lwm tus qhuab ntua lossis kawm kev ua niamtxiv.

15. Kuv puas mus koom tau cov kev sib hais?

Mus tau. Qhov tseeb, txoj kevcai tshiab hauv lub xeev samfwm tias koj yuavtsum tau mus koom. Ib Yam uas tus thawj txiavtxim yuav tau los txiavtxim txog mas yog qhov uas hais tias dabtsi yuav yog Yam zoo tshaj rau koj tus menuam. Nyob ntawm qhov uas nws tau ua txhaum, yog koj qhia tau tias koj tus menuam yuav mloog koj lus thiab ua raws li cov kevcai uas koj tsim los tswj nws, thiab koj yuav nrog saib xyuas koj tus menuam thiab pab txhawb nws hauv koj lub tsev, tej zaum tus thawj txiavtxim yuav tso tus menuam rov los tsev los nrog koj nyob.

16. Kuv puas hais tau lus haus cov kev sib hais?

Koj hais tau yog tias tus thawj txiavtxim nug koj ib cov lus nug, lossis koj raug hu mus ua ib tus tibneeg ua povthawj. Koj thov hais ib cov lus rau tus thawj txiavtxim tau. Feem ntau, koj tus menuam tus kws lijchoj yuav yog tus sawvcev hais lus rau nws. Tus thawj kws lijchoj hauv cheebsam yuav sawvcev hais lus rau lub xeev. Tej zaum phab saib cov tibneeg ua txhaum yuav raug hu los hais ib cov lus povthawj.

17. Peb puas muaj cai tau txais ib tus tibneeg pab txhais lus?

Koj tus menuam muaj cai tau txais ib tus tibneeg txhais lus. Tej zaum koj muaj cai yuav tau txais ib tus tibneeg txhais lus thiab koj tsimnyog thov kom lawv muab ib tus rau koj yog tias koj xav tau.

Yog tus tub ceevxwm saib cov tibneeg ua txhaum muab koj tus menuam coj mus kaw cia, txoj kevcai samfwm kom nws yuavtsum tau ua ib tsab ntaww mus foob nws sai, feem ntau tsis pub dhau 48 teev tomqab uas nws raug ntes los ntawm tub ceevxwm. Tomqab ntawd yuavtsum tau team kom muaj ib sijhawm lossis hais txog qhov uas muab nws kaw ntawd rau thawj hnub uas lub tsev hais plaub rov ua haujlwm. Cov tsev hais plaub kaw tsis ua haujlwm rau hnub Saturday, Sunday, thiab cov hnub so.

8. Kuv tus menuam yuav tau nyob hauv lub tsev kaw cov menuam yaus ntev npaum licas?

Thaum mus sib hais txog qhov uas muab nws kaw ntawd, tus kws txiavtxim muaj cuabkav txiavtxim muab koj tus menuam kaw hauv lub tsev kaw menuam yaus mus txog hnub uas rovqab tuaj sib hais plaub dua. Cov kev sib hais no yuav hais ntxiv nyob rau hauv lolus nug nqe 12. Tej zaum tsu kws txiavtxim yuav xaj kom muab koj tus menuam kaw mus txog hnub uas hais plaub tas.

9. Kuv puas mus xyuas tau kuv tus menuam hauv lub tsev kaw menuam yaus?

Feem ntau koj yeej mus xyuas tau, tabsis koj tsimnyog yuav tau hu mus rau tus tub ceevxwm saib cov tibneeg ua txhaum saib thaum twg koj thiab mus xyuas tau koj tus menuam.

10. Tus tub ceevxwm saib cov tibneeg ua txhaum tes haujlwm yog dabtsi?

Tus tub ceevxwm saib cov tibneeg ua txhaum yog tus sau tsab ntaww uas hais txog tej xwmtxheej uas koj tus menuam tau ua mus rau tus thawj txiavtxim hauv luv tsev hais plaub rau cov menuam yaus. Tsab ntaww qhia tus thawj txiavtxim hais tias phab saib xyuas cov tibneeg ua txhaum xav tias qhov twg yog qhov uas yuav zoo ua rau koj tus menuam yog tias tus thawj txiavtxim tshuaj pom tias koj tus menuam yeej tau ua Yam kev txhaum ntawd tiag. Tsab ntaww ntawd tseem qhia txog koj tus menuam cov kev raug ntes yav tas los; ib zaj lus uas piav txog qhov kev ua txhaum zauv no; cov lus uas koj tus menuam hais, cov lus uas nws tseveeg hais, thiab cov lus uas lwm tus tibneeg uas paub koj tus menuam zoo hais; tsab ntaww qhia txog koj tus menuam cov kev kawm ntaww; thiab cov lus uas tus tibneeg uas raug nws ua phem rau hais. Tus tub ceevxwm muab tsab ntaww no mus rau lawv thaum mus sib hais thiab teev cov lus tseemceeb.

Yog koj tus menuam raug tibneeg saib xyuas, tus tub ceevxwm saib cov tibneeg ua txhaum yuav yog tus saib xyuas saib nws puas ua raws li tej uas tus thawj txiavtxim tau xaj kom nws ua lossis tsis txhob ua. Qhov no txhais tau hais tias nws yog tus uas saib xyuas koj tus menuam kom ua raws li txoj kevcai thiab ua raws li tej uas luag hais rau nws thaum luag tso nws tawm. Tus tub ceevxwm saib cov tibneeg ua txhaum tseem yuav txhawb kom koj tus menuam mus kawm ntaww thiab muaj kev koomtes rau kev xyaum ua haujlwm, kev qhuab ntua, thiab cov kev uas yuav tau mus kawm thiab ua hauv tej zejzos. Nyob ntawm qhov kev txhaum ntawd loj lossis me, tej zaum tus tub ceevxwm saib cov tibneeg ua txhaum ntsib nrog koj tus menuam li ib lub limtiat ob zaug lossis ib lub his ib zaug.

Yog tias koj tus menuam raug kaw, thiab tus thawj kws txiavtxim txiavtxim hais tias koj tus menuam yuav tsis tau mus tsev tomqab uas hais nws rooq plaub tag, tus tub ceevxwm saib cov tibneeg ua txhaum tes haujlwm yuav yog los nrhiav ib lub chaw ua tsimnyog rau koj tus menuam nyob. Qhov no tej zaum yuav yog nrog ib tus kwvtij nyob, xa mus nyob hauv ib lub chaw tu menuam ntsuag lossis ib cov tibneeg coob nyob uake, lossis tej qhov chaw ua muaj tus tsim los rau cov tibneeg li ntawd nyob.

11. Kuv thiab kuv tus menuam yuav paub tau tias yuav tau mus sib hais thaum twg?

Yog tias koj tus menuam raug kaw, koj tsimnyog yuav tau txais daim ntawv foob thiab qhia tias hnub yuav mus sib hais yog thaum twg, uas muaj tus qa tuaj lossis xa hauv ntawv tuaj rau koj, sai li uas sai tau tomqab uas luag ua daim ntawv foob ntawd tas thiab tsis pub luv tshaj li 5 hnub uantej hnub uas yuav tau mus sib hais. Yog tias lub rooj mus sib hais luv tshaj li 5 hnub tomqab uas luag tau ua tsab ntawv mus foob, koj yuav tau txais ib tsab ntawv yam luv 24 teev uantej lub sijhawm yuav mus sib hais. Koj tus menuam muaj cai tau txais ib tsab ntawv sau tuaj qhia yog tias nws muaj hnub nyooq yam tsawg 8 xyoo.

Yog tias koj tus menuam tsis raug kaw, koj tsimnyog yuav tau txais ib tsab ntawv sau tuaj qhia txog daim ntawv foob thiab hnub uas yuav tau mus sib hais uas muaj tus nqa tuaj lossis xa hauv ntawv tuaj yam luv 10 hnub uantej yuav tau mus sib hais.

12. Kuv tus menuam yuav tau mus sib hais dabtsi hauv lub tsev hais plaub rau cov menuam yaus?

Nws muaj ntau Yam kev yuav mus sib hais:

- Mus Sib Hais txog Kev Kaw.** Yog tias koj tus menuam raug kaw hauv lub tsev kawm menuam yaus ntev tshaj li 48 teev, nws yuav muaj ib qhov kev mus siab hais txog txoj kev kaw ntawd tsis pub dhuu 72 teev, uas yog suav cov hnub ua haujwm xwb (tsis suav cov hnub Saturdays, Sundays, lossis cov hnub so). Thaum mus sib hais txog txoj kev kaw no, tus thawj txiavtxim yuav los txiavtxim saib puas yuav tso koj tus menuam los tsev los tsis tso uantej hnub yuav rovqab mus sib hais dua.
- Mus Sib Hais Uantej Rooj Plaub lossis Sib Tham Daws Rooj Plaub.** Hauv ntau lub nroog, muaj cov kev mus sib hais los sim daws rooj plaub yam tsis tau coj mus hais hauv lub rooj hais plaub.
- Mus Sib Hais txog Cov Lus Uas Raug Thov Kom Ea.** Tej zaum yuav tau mus sib hais txog tej teebmeem uas xam pom ntxiv uantej daws tas rooj plaub.
- Mus Sib Hais Saib Puas Tsimnyog lossis Thov Kom Tsis Txhob Ea Li Ntawd.** Yog koj tus menuam muaj hnub nyooq yam tsawg 14 xyos, tej zaum tus thawj kws lijchoj hauv lub cheebsam yuav hais kom coj koj tus menuam mus hais plaub hauv lub tsev hais plaub rau cov tibneeg laus. Thaum mus sib hais saib puas tsimnyog tus thawj txiavtxim yuav los txiavtxim saib tsimnyog coj koj tus menuam mus sib hais hauv lub tsev hais plaub rau cov laus lossis cov menuam yaus. Yog koj tus menuam raug txiavtxim hais tias "tsi tsimnyog" coj mus hais hauv lub tsev hais plaub rau cov menuam yaus, nws yuav raug coj mus sib hais hauv lub tsev hais plaub rau cov tibneeg laus. Yog koj tus menuam hnub nyooq qis tshaj li 14 xyos, yuav tsis muaj qhov kev mus sib hais saib puas tsimnyog.
- Mus Sib Hais Saib Puas Tau Ea Txhaum.** Thaum mus sib hais saib puas tau ua txhaum, tus thawj txiavtxim yuav los txiavtxim saib koj tus menuam puas tau ua txhaum li uas hais ntawd.

f. **Mus Sib Hais Saib Yuav Ea Licas.** Yog tias tus thawj txiavtxim txiavtxim hais tias koj tus menuam tau ua txhaum kevciai lawm tiag, ces thaum tuaj sib hais saib yuav ua licas tus thawj txiavtxim yuav los txiavtxim saib yuav kom ua licas rau koj tus menuam. Yog tias tus thawj txiavtxim txiavtxim hais tias koj tus menuam tsis tau ua txhaum kevciai, ces yuav tsis muaj qhov uas yuav sib hais tias yuav ua licas rau koj tus menuam li. Qee zaum kev sib hais saib yuav ua licas yog tomqab kiag uas mus hais saib puas tau ua txhaum thiab tib hnub ntawd.

g. **Mus Sib Hais thiab Tshuaj.** Hauv qee rooj plaub, txoj kevciai thiab lub tsev hais plaub yuav teem ib cov sijhawm rov rovqab tuaj sib hais thiab tshuaj saib koj tus menuam ua tau zoo npaum licas lawm thiab nws puas ua raws li uas luag tau hais tseg thiab tau sojntsuam nws tas los.

13. Yuav muaj dabtsi hauv kev mus sib hais saib puas tau ua txhaum?

Hauv ntau rooj plaub, tus menuam yuav lees tagnrho lossis qee yam hauv tsab ntawv foob.

Koj tus menuam tus kws lijchoj yuav qhia rau koj tus menuam tias tsimnyog lees lossis tsis tsimnyog lees txog ib yam dabtsi.

Yog tsis kam lees thiab tau mus sib hais lossi, "sib foob," tus thawj kws lijchoj hauv cheebsam yuav yog tus muab puavpheej los hais liam koj tus menuam. Tomqab ntawd koj tus menuam tus kws lijchoj yuav los muab puavpheej hais tivthaiv koj tus menuam. Rawz li cov puavpheej uas tau coj los hais no, tus thawj txiavtxim yuav los txiavtxim saib koj tus menuam puas tau ua txhaum raws li qhov uas luag tau liam nws ntawd. Yog tus thawj txiavtxim "pom tias nws txhaum," uas txhais tau tias nws muaj puavpheej txaus rau tus thawj txiavtxim los txiavtxim hais tias koj tus menuam yeej tau ua txhaum kevciai li uas hais ntawd tiag.

Tomqab uas "pom tias nws txhaum," lawm tus thawj txiavtxim yuav teem ib lub sijhawm mus sib hais saib yuav ua licas uas yog los txiavtxim saib yuav rau txim licas rau nws.

Yog tias tsis muaj puavpheej txaus los txiavtxim tias koj tus menuam tau ua txhaum li uas luag tau liam nws ntawd, luag yuav muab nws rooj plaub lawb mus. Yog tias koj tus menuam raug kaw, nws yuav raug tso tawm.

14. Yuav muaj dabtsi hauv kev mus sib hais saib yuav ua licas?

Tus thawj txiavtxim yuav ua ib yam ntawm rau yam no:

- Koj tus menuam yuav raug tso rov tau mus nrog koj nyob hauv tsev thiab raug saib xyuas txog li 6 lub hlis.
- Tej zaum koj tus menuam yuav raug xaj kom mus tsev thiab raug tub ceevxwm tuaj nrog saib xyuas. Cov kev saib xyuas no yog kom tseg thiab xaj los ntawm tus thawj txiavtxim.